

QVÆSTIO MEDICA

QUODLIBETARIIS DISPUTATIONIBUS

manè discutienda in Scholis Medicorum

die Jovis 13. Februarii.

M. JACOBO DE BOURGES, Doctore
Medico, Præside.

An nutritio & accretio ad motus leges exigenda?

I.

BUCCA instructum animal simul natum sugit. Suctio solius buccæ actione perficitur absque respiratione. Lac in ore mutationis rudimenta subit à succo salivari. Ad fauces pellitur linguâ palatum comprimente. Musculus pharyngis linguæ motum sequentibus, & viam aperientibus deglutitur in stomachum non omnino vacuum. Qui ibi reperitur humor coctionis artifex cibi benignè effervescentis & ebullientis crassiores particulas subigit & solvit in chylum. Hic fluidior carneæ membranæ fibras unâ cum spiritibus percellens, ventriculi portas arctius conclusas, recludit. Chylus intestinis exceptus, mundatur bilis admistione, non sine succi pancreatici auxilio. Restat quod crassius est, quod tenuius permeat ad cor per venas proprias. In harum oscula irrepit continendum intestinorum innatâ compressione. Admissum nervearum fibrarum beneficio, quo omne vas beatur, vehitur, absque refluxus metu, cum valuulam superavit. Valuula quasi vinculum robur addit fibris, & rei movendæ fulcrum, vectionem partitur.

HUMOR albus sanguini confusus rubere incipit. Color hic ruber à certâ superficiei ratione profectus, hepatis & cordi communicatur. Sanguis ἀκέραιος in corde teritur vi ignis connutriti, inde in pulmonis cellularum anfractibus voluitur & revolvitur, ad id conferente aëris ἐλαυνόμενον facultate. Id pulmonum officium si malè fiat, labes sanguini aspergitur, non facilè eluenda, & partium paupertate evidens. Sanguis in sinistro cordis sinu recoctus, cum impetu cujus vis in omne corpus micat, erumpit in aortam. Eruptionis causa cordis ipsius impulsio, cujus modum forma demonstrat. Cor μὴς κάρτα ἰσχυρὸς fibras habet intortas & inyerfas ortas ab extrema basi & revolutas terminatasque in intima basi oppositi lateris. Hinc per lineam obliquam, apice accedente ad basim, sanguis exprimitur non omnis. In recessibus quæ residua lætetur porrio, ab igne mobilior, è latebris prosiliens, motum cordis addit. Sanguis omnis generis alimoniz dives ubique fluit partium jacturam reparaturus.

I I I.

PARTES jacturam patiuntur perpetua calidi mobilitate, absumentisque aëris vi, & continuo resarciuntur. Unde hodiè non idem corpus quod nuper. σῶμα οὐδέποτε τὸ αὐτὸ οὐδαμῶς. Detrimenti ratio partium inanitas, quæ crescens post aliquot dies occidit. Licet quibusdam in avibus nec jactura fiat per hyemem nec desideretur alimentum, frigore vias obturante, & pituitâ calidi impetum remorante. Conveniens detrimenti remedium alimentum, non admovetur nisi pellatur. Agitur pulsione tantò minori, quantò major est illa qua arteriæ expanduntur; sed quod in expansione deperditur ingenita arteriarum systole compensatur. Omnino omnes arteriæ eodem tempore inflantur, minus conspicuè minores. Hoc motu proxima materia quasi nutriens truditur, & spatia occupat; tunc revera nutriens cum secreta ab invili quæ præceps amandatur quiescit. Tota hæc nutritionis res πεκτόνων ἔοικωδῶς διὰ τὰς ἀνθρώπων μύησις ὁρίων operi pulchre responder. Residuus sanguis per medias carnes sibi viam facit ad cor ruentibus partibus idem beneficium iterum collaturus. Partium fundamenta seu fibræ,

3

vix aliquid deperdentes, illo minùs egent, at maxime quæ inter illas jacent spatia refarciri amant.

I V.

FIBRAS ipsas & fibrarum spatia replens cibus cùm effluenti respondet, nutritio completur, cum excedit accretio, quæ est corporis αἰχμηον in majorem molem expansio: hæc certa mensura concluditur, quæ à totius structura pendet. Fibrarum extensionem sistit pondus partium extendendarum, & continentis aëris compressio. Utrumque primis annis impotens, inclinatâ adolescentiâ vincit virtutis agentis robur. Proterendi recusant maximè ossa, deinde quæ ad ea pertinent fibræ. Et rumpuntur si violenta causa à proprio termino cogat multàm recedere. Legitima accretio omnis est dimensionis, cum definita tamen ratione: unde quæ in latum tantum fit non verè accretio, sed πᾶλινσις sive plenioris cibi collectio, cujus medela λιμοκτονία. Cum partes convenientem mensuram sunt adeptæ & æquabili reficiuntur succo, σάφηνται τὸ σῶμα καὶ ἀρῆσασθαι, animæ immortalis caduca sedes.

V.

CUM ergo advectus cibus inseratur in partium inane, & potentia cordis & fibrarum arterias componentium contractione, ad motus rationem nutritionis & accretionis ordo est exigendus, arteriæ pleniores accepta à corde materia, expanduntur & subito stringuntur. A constrictione longè efficacior cibi protrusio quam à prima pulsione. Constrictæ fibræ sanguinem premunt qui fluidissimus nullo patente ostio ut cuneus in vacuas partes figitur: ubi moratur donec attritione evanescat. In ea impulsione motus leges observantur, & ὡς τὸ ἰχθυόεντος τὸ κυφόπτερι ἐξελαύνεται. Cum sanguis manere aptus est caro fit ἔνυδρος; ubi mobilior subtiliorque quiescere non est potis ὁλόθην sive macrum corpus. Ut in renes serum, in vesiculam fellis bilis tantum penetrat, sic in integras partes non nisi conveniens succus pervadit: quod structuræ debetur, non attractioni, quæ aut nulla est, aut si quæ sit vera est pulsio, sed malè intellecta. Non potest pars aliquid remotum sibi sumere (quod attrahere dicitur) nisi facultatem ad se pellendi habeat. Ipsa suctio & respiratio pulsio est. Suctio fit dilatata bucca, & complimentibus labiis. Respiratio inflatione musculorum aë-

rem in pulmonem pellentium. ⁴ Motu & quiete condita floret
rerum universitas. Eadem arte animalium vita *ὑπομνήσις τοῦ*
ὅλου stat & ruit.

Ergo nutritio & accretio ad motus leges exigenda.

DOMINI DOCTORES DISPUTATURI.

M. Nicolaus de Jouuanci.

M. Germanus Preaux.

M. Petrus Daquin, Medi-
cus Regis ordinarius.

M. Joannes Cordelle.

M. Petrus Ozon.

M. Guillelmus Lamy.

M. Petrus Bourdelot.

M. Claudius Perraut.

M. Tiffanus Fontaine.

Proponerebat Parisiis JOANNES BOUDIN, Parisinus
Baccalaureus Medicus, A. R. S. H. 1681.

P A R I S I I S,

Apud Franciscum Muguet, Regis & Facultatis Medicinæ
Typographum.